



**R. P. Lvcæ Pinelli Societatis Iesv, Theologi, Exercitia
Spiritvalia Qvadraginta, De Sacrosancto Eucharistiæ
Sacramento**

Pinelli, Luca

Coloniae, 1608

Prima Pars. De Septem Vitiis Capitalibvs.

[urn:nbn:de:hbz:466:1-59691](https://nbn-resolving.de/urn:nbn:de:hbz:466:1-59691)

MEDITAT. DE VII.
PRIMA PARS.

DE SEPTEM VITIIS
CAPITALIBVS.

*Doctrina de superbia vitorum ca-
pitulum regina.*

Q Vandoquidem Superbia (ut sacerdoti Literæ Ecclesiast. 10. inquit) omnis peccati principium & origo est, rectè S. Gregorius in Moralibus, lib. 31. cap. 31. à numero septem peccatorum capitalium eam excludens, omnium illorum Reginam constituit. Verba illius sunt hæc. *Ipsa vitorum regina superbia, cùm deuictus planè eorū cōperit, mox illud septem principalibus vitiis, quasi quibusdam suis ducib⁹ deuastandum tradit⁹.* S. Thomas , 2. 2. artic. 2. & 8. quæst. 162. idem confirmat: & quæst. 132. art. 4. hanc adserit rationem. Quia fines omnium vitorum ordinantur in finem superbia, & ei quodammodo subseruiunt. Adiungit etiam: Superbia in omnia alia vitia influe-re, ideoque non numerari inter septem specialia peccata mortalia, sed potius esse Radicem, Matrem & Reginam eorum. Superbia, inquit August. lib. 14. de Ciuitate Dei , cap. 13. est *parva celsitudinis ap-
petitus*: id est. Superbia est vitium ad amo-

rem

VITIIS CAPITAL.

70

tem & appetitum inordinatum propriæ excellentiæ inclinans, dum aliquid esse cupit supra id quod est.

Hinc Isidorus lib. 10. Etymolog. cap. 18. rectè ait. Superbum idcirco dici, quia super vult videri quam est.

Cum ergo Superbia omnium peccatorum origo sit, meritò Isidorus 2. lib. de summo bono appellat eam omnium virtutum ruinam, quia omnibus est contraria, omnes oppugnat. Quamuis quoad hoc, quod Superbiæ proprium est, contemnere debitam subiectionem, dici possit, cā propriè contrariam esse humilitati.

Gradus Superbiæ sunt quinque, de quibus S. Gregor. lib. 31. Moral. cap. 31. & S. Thom. 2. 2. articul. 4. & 5. quæst. 162. Vbi notandum est tria esse bonorum genera, eaque omnia à Deo existere: quia ea gratis largitur cui, quomodo, quando & quantum vult. Alia sunt bona Naturæ, uti sunt, ingenium, memoria, pulchritudo. Alia Fortunæ, qualia sunt diuitiæ, honores, potentia. Alia bona spiritualia, cuiusmodi sunt, gratia, prophetia, donum concionandi, & similia.

Primus Superbiæ gradus est, quando quis bona quædam habet, atque illa se non à Deo sed à seipso habere existimat. Secundus

MEDITAT. DE VII.

dus est: quando quis agnoscit quidem se à D G o illa habere, verum non gratis, sed suis meritis ea se accepisse censet. Tertius est: quando quis gloriatur se habere, quod non habet. Quartus est: quando quis cæteros despectui habet, eisque anteferri ac superior esse cupit. Quintus est: quando quis D G o & sanctissimis eius legibus subditus esse renuit. Et quanquam superbis in singulis hisce gradibus peccet, quia in unoquoque illorum interuenit peruersus propriæ excellentiæ appetitus, in quinto tamen grauissimè peccat, quia D G I, cui omnis honor & reverentia debetur, quoniam Dominus & Rex noster est, contemptum continet.

Effectus siue signa superbiæ sunt duodecim de quibus agit S. Bernard. in tractatu de 12. gradibus humilitatis: & S. Thom. loco citato, art. 4. ad 4.

Primum signum est. Curiositas, per quam quis curiose ybique & inordinate circumspicit.

Secundum est. Leuitas mentis, per quam homo superbè se habet in verbis.

Tertium est. Ineptalætitia, per quam quis inepte sibi complacet.

Quartum est. Iactantia, per quam quis sine causa gloriatur & se se ostentat.

Quin-

VITIIS CAPITAL. 73

Quintum est. Singularitas, per quam quis sanctior ceteris vult apparere.

Sextum est. Arrogantia, per quam homo se alijs præfert.

Septimum est. Præsumptio, per quam quis sufficientem se reputat ad maiora.

Octauum est. Peccatorum defensio, qua quis vitia sua excusat, ne culpabilis videatur.

Nonum est. Simulata confessio, per quam quis non vult subire poenam pro peccatis, ideoque simulatè confiteretur.

Decimum est. Rebellio, qua quis superioribus suis obedire detrectat.

Vndeclinum est. Libertas, per quam homo delectatur liberè facere quod vult.

Duodecimum est. Consuetudo peccandi, quæ implicat D E I & mandatorum ipsius contemptum.

Hæc duodecim signa seu effectus superbie, non tantum suut peccata, verum etiā nutritiunt & notabiliter augent superbiam: quare qui à tam peruitiolo vitio liberari cupit, has & similes actiones pro virili deuitabit.

S.Gregor.in Moral.lib.24.cap.22. & 23.
inquit: Quemadmodum humilitas electorum D E I signum est, qui per ipsam æternis in Cœlo gaudijs perfaci merebun-

dd

tur:

74 MEDITATIO DE VII.

tur: ita superbiam esse manifestum reproborum signum: qui cum illa, sempiternis gehennæ incendijs tradentur

Cætera vitia omnia (vti rectè notat Boethius,) fugiunt à Deo, superbia sola est, quæ Deus se audet opponere: atque hinc fit, quod quemadmodum S. Iacobus in Epistola sua Canonica cap. 4. ait: Deus superbii resistit.

Notandum hic est: non quoslibet actus superbiae esse peccata mortalia, sed illos duntaxat, in quibus superbis Deus aut mandata eius, aut superiorum suorum contemnit, vel proximum cum notabili iniuria aut damno illius aspernat. Ceteri Superbiæ actus, vt plurimum, sunt peccata venialia.

Meditatio ad detestandum
Superbiæ.

1. **C**ONSIDER A superbiam Deo intodiosam esse: vt quanquam ille mitissimus & benignissimus sit, nihilominus superbis resistat, illos deprimat, & dispersat, quemadmodum Angelis claris fecit. Quomodo ergo in nos vermiculos, qui sumus puluis & cinis, si arrogantes fuimus, animaduerteret?

2. **C**ONSIDER A, Superbiam hominibus

VITIIS CAPITAL. 79

minibus ita inuisam esse, ut nemo libenter cum superbis conuersetur & agat: cum ergo non habeant in hac vita amicos synceros & ex animo, necessarium est ut in negotijs suis, magnas cordis affectiones experiantur, atque amaritudine repleantur.

3. CONSIDERA Superbum, quia magnam de se concipit existimationem, si non honoretur ut vult, intrinsecus cruciari & torqueri: ideoque vitam illius infelissimam esse: Et quia intus continuis turbationibus vexatur, nihil quod præclarum & cum virtute coniunctum sit, efficere potest.

4. CONSIDERA, Sanctum Iob affirmare, Diabolum esse regem super omnes filios superbie. Quid autem boni potest habere in hac valle lachrymarum, qui tam scui & immanis Tyranni seruus & mancipium est?

DOCUMENTVM.

Fili, Superbia est arbor à dæmone planata & exulta, rami eius in sublime feruntur, & videntur esse delectabiles, sed sunt infirmi ac fragiles, atque idcirco quo quis altius per illos scandit, tanto periculosis corruerit dd 2 DIS-

DISSVASIO SVPERBIAE.

Frater, quandoquidem superbia tanto
perè displicet D^s o & hominibus, atq;
soli Diabolo amica est , decet ut illam ab-
horreas, detestaris , & plus quam mortem
fugias. Quia si recte perpendas, nihil habes
de quo superbire possis. Quicquid enim
boni in te reperitur, tuū non es, sed à D^s o
(vti S. Paulus testatur) accepisti: ideoque nō
ad te sed ad D^s e v^m pertinet. Peccata & vi-
tia tua sunt: de illis autem si gloriari velis,
manifestæ id foret amentiæ. Sed demus te
aliquid boni habere aut agere , non tamen
conuenit ut propterea extollaris , & insu-
perbiar erigaris. Nam homines extolle-
re, D^s i officium est : qui autem Dei
munera sibi usurpat, meritò ab ipso casti-
gatur: hinc enim ait Scriptura: Qui se exal-
tat, humiliabitur.

Itaque charissime frater, moneo te, vt in
omnibus huius mundi sublimitatibus, cō-
sideres quid tibi tanquam Christi discipu-
lo conueniat, non quid in ordinatione appelle-
tes tuæ tibi suadeant. Lucifer ob consi-
derationis huius defectum similis esse vō-
luit Altissimo , & primi parentes nostri
D^s o similes, atque bonum & malum sci-
entes

entes esse cupuerunt, sed utriusque, quia quæ non decebat appetebant, à Deo grauiter puniti, & è locis, in quæ collocati fuerant, exturbati & eliminati fuerunt.

Remedia contra Superbia.

Primum. Sæpen numero ante oculos sibi ponere, proprios defectus, tam animæ, quam corporis.

2. Alios se meliores & in virtutibus prouectiores intueri.
3. Cum humilibus & modestis conuertari.
4. In vestitu, & omnibus alijs rebus extinsecis, superfluitatem & vanitatem cauere ac resecare.

DOCTRINA DE VANA gloria.

Secundum doctrinam S. Gregorij lib. 31. Moral. cap. 2. quam S. Thomas sequitur. Secundæ, quæst. 62. art. 2. & 8. Vana gloria, est unum ex septem vitiis capitalibus, quia ex illo (ut postea declarabitur) alia quamplurima vitia nascuntur. Et quoniam Vana gloria, est primogenita Superbiae filia, idcirco iidem Doctores aiunt, eā primum locum obtinere inter septem peccata Capitalia.

Adi

Ad intelligendam Vanæ gloriæ na-
turam, aduertendum est, quinque esse
humana bona honorabilia: Laudem,
Honorem, Famam, Gloriam, Reueren-
tiam.

Laus est, benè loqui de virtutibus &
licuius. Honor est, venerari aliquem in
signum excellentis probitatis, qua deco-
ratus sit. Fama est publica attestatio popu-
laris, de re siue actione aliqua honorata,
quam quis fecerit. Gloria est clara notitia
dignitatis alicuius cum laude coniuncta.
Reuerentia est actus quo honoratur atque
æstimatur bonitas alicuius.

Porro Vana gloria est appetitus inordi-
natus manifestandi propriam excellentiæ,
aut præclaram aliquam actionem cum
virtute coniunctam à se patratam, veinde
gloriam, famam aut aliud quid supradicto-
rum bonorum consequatur. Quamvis, viire
Etè S. Thomas art. 1. quæst. 132. loco citato
ait, si illud ipsum opus bonum ad D[omi]n[u]m ho-
norem, & proximorum salutem & profe-
ctum, patefieri cupiat: actus ille potius vir-
tutis quam vitij sit. Hinc enim est quod
Christus apud Matt. cap. 5. opera nostra
bona manifestari vult, ut D[omi]n[u]s perilla
glorificetur.

Vana gloria mortaliter peccat. ^{1.}
Qui

Qui pro aliquo horum quinque bonorum adipiscens laborat cum intentione ac fine peccati mortalis. 2. Qui ultimum finem suum in aliquo eorum constituit. 3. Qui laudem querit ex actione, quae ex se est peccatum mortale: 4. quod iniuste aliquem percutserit, occiderit, ad duellum prouocaverit &c. 4. Qui propter saeculares dignitates & existimationem retinendas, facit quidpiam contra legem ac mandata Dei. ut verbi causa; iudex qui ne principis gratiam aut officium amittat, iniuste iudicat: aut mulier, quae ne infametur, peccato consentit: quod non fecit Susanna. 5. Qui propter humanas laudes & gloriam, notabili cum Dei irreuerentia, & proximorum damno, tale officium, cuius ignarus est, exercere presumit: uti concionari, medicum vel aduocatum agere, docere, & similia.

Vane gloriae filiae sunt septem. 1. est. Istantia, quando quis verbis se altius extollit, quam reuera est, vel in nobilitate, vel in scientia, vel in diuinitate. 2. est. Nouitatum presumptio, quando quis factis alios ad sui admirationem inducit: ut inuentioeniarum epularum, iocorum, vestium &c. 3. est. Hypocrisis, quando quis se iustiorem & sanctiorem simulat, quam reuera est: quod etiam si ad aliorum aedificationem

80. MEDITAT. DE VII.

fiat, peccatum est. 4. est. Pertinacia, quando quis opinioni suæ pertinacius inhaeret, quam oporteret: quæ opinio si circa res suæ dei, contra communem Ecclesiæ intelligentiam versatur, est peccatum. Hæresis, 5. est. Discordia, quando quis eorum, cum quibus concordare atque conuenire obligatus est, voluntati contradicit. 6. est. Contentio, quando clamosa voce quis cum alio verbis contendit. 7. est. Inobedientia, quando quis superiorum suorum iussa dispernatur: & committit peccatum mortale quoties ea quæ sibi sub pœna peccati mortalis iniunguntur, opere non perficit, modo ex contemptu id agat.

Nota, omnes has Vanæ gloriæ filias esse peccata, quia omnes à recta ratione deviant: ut plurimum autem esse peccata venialia. Sed quando in aliquo eorum interuenit finis mortalis, aut legis diuinæ transgressio, aut præceptum Ecclesiæ, quod ad mortale peccatum obligat, aut notabilis irreuerentia D S I., aut graue scandalum, vel damnum proximi spirituale sive corporale, peccatum erit mortiferum.

MEDI-

VITIIS CAPITAL.

31

Meditatio ad euitandam vanam
gloriam.

1. C O N S P D E R A iniutiam, qua D E -
V M vanam gloria afficit: quia cūm
D E V S bonarum actionum tuarum remu-
nerator esse velit: tu mavis ab hominibus
rebus vanis & transitorijs munericari.

2. E X P B N D E tecum, quam ingens
damnum vanam gloria adserat animæ tuæ:
spoliat enim eam vera gloria quam in Cœ-
lis, propter bonas actiones consecutura
est: pro quibus in terra nihil nisi sonus &
fumus retribuuntur.

3. R E V O L V B tecum, eum qui vanè
gloriatur, quia bonum suum in iudicijs ho-
minum, à quibus gloria & laude dignus
censi appetit, constituit, declarare igno-
rantiam suam & animi affectionem; quia
humana iudicia incerta & fallacia sunt.

4. C O N S I D E R A Vanę gloriæ cu-
pidum, à prudentibus nulla in existimatio-
ne haberi, à vulgo autem potius assentati-
one circumueniri, quam verè laudari: ide-
oque in hac vita multò amplius etiam a-
mittere quam lucrari.

dd 5:

DOCV-

DOCUMENTVM.

Scito fili, Dæmonem in omni opere bona
tres foueras tibi preparare, ut in vnam
earum corrucas. Primo, magnam tibi per-
suadet in eo efficiendo futuram difficul-
tatem, ne illud ansperceris. Deinde, laborat
ne solam DEI gloriam in opere ipso tibi
propositam habeas. Denique, præclarum
aliquid à te patratum fuisse suggerit, ut
per vanam gloriam, operis fructu te spu-
liet.

DISSVASIO VANAE
gloriz.

Certum & indubitatum est mihi frater,
in mundo innumeros alios te multo
celebriores extitisse, & nihilominus mor-
tem obiisse. Euidens porrò est, plurimos ex
illis quos modo in terra multis laudibus
& præconijs ornamus, in Inferno perpe-
tuis flammis cruciari. Quid igitur bonum
ac celebre nomen prodeat in terra? Quid
gloria humana utilitat's adfert animæ?
Quanto melius est oculos à gloria terrena
ad cœlestem, & ab hominibus ad Christū
conuertere? Quantò securius est, omnia bo-
na nostra in Christo constituere, atque ad
illum

illum cunctas actiones nostras dirigere. Quod ipse flagitauit, quando ad sponsam ait: *Tunc me et signaculum super cor tuum.* Idem significauit Salomon quando ait. *Oculi sapientie in capite illius.* Decet enim ut quia Christus est caput nostrum, in illo defixi sint oculi nostri: sed qui gloriam terrenam quaerit, indicium dat se oculos habere in pedibus, quos necesse est, a pulueribus excæcari. Itaque frater mi Charissime, recordare te a Deo creatum esse, non propter gloriam vanam & transitoriam, sed propter gloriam veram & sempiternam. Memento, hanc vitam idcirco tibi concedi, ut in ea, debitiss medijs ad finem tuum adipiscendum vivaris. Media sunt virtutes & bona opera. Relinque igitur vanitatem gloriae, cæco huic mundo, si vis ad immortalem quam Deus vobis in celo tibi præparauit, gloriam peruenire.

*Remedia contra Vanam
gloriam.*

Primum est. Abscondere, quoad fieri potest bona sua.

2. Cum ab alijs laudaris, mentem ad defectus proprios conuertere.

3. Omnem laudem suam Deo offerre, quia ipse omnis boni nostri auctor & dator est, cui omnis laus & gloria debetur.

dd 6 DO-

DOCTRINA DE AVARITIA.

VT quisque intelligat, in quo vitium Avaritiae potissimum consistat, primo sciendum est, bona temporalia cuiusmodi sunt, pecuniae, possessiones, ceteraeq; diuitiae, à Deo ad hominis usum ac ministerium destinata esse: ideoque rectam rationem flagitare, ut quilibet ex predictis bonis tantum desideret, & consequi laboraret, quantum ad vitam vniuersusque iuxta statum & conditionem suam est necessarium. Et quia conditiones sive gradus hominum varij sunt; alij cum magnam habent familiam, alij exiguum: alij pluribus egerint seruitijs, alij paucioribus, hinc fit ut aliquibus, ad gradum & statum suum conseruandum, maiori temporalium bonorum copia opus sit: alijs non item. Quādo vero horum bonorum cupiditas mensuram excedit, & quis amplius ex illis, quā statui suo conueniat, desiderat, contra rationem agit, & avaritiae peccatum incurrit. Quæ (secundum doctrinam D. Thomæ in 2.2.artic.1. quæst.118.) aliud nihil est, quam immoderatus amor diuitiarum.

S. August. lib. 83. quæst. quæstione 36. nimiam cupiditatem, appellat venenum.

Chas-

VITIIS CAPITAL. 85:

Charitatis. Quod verum est, quando cupiditas tanta est, ut diuitias amori Dei & proximi, aut etiam sui ipsius anteferat. Ut exempli causa. Si quis propter nimiam ad opes & facultates affectionem negligenter diuinorum mandatorum obseruationem: aut Avaritiæ peccato excœcatus, tolleret ac retineret alienam substantiam: aut semet ipsum pro diuitiis consequēdis, probabili mortis siue corporalis siue spiritualis periculo exponeret, id esset non modo contra charitatem, sed etiam peccatum mortale.

Quando vero esset tantummodo immoderata quedam affectio possidendi opes, esset quidem peccatum, sed non mortale.

S.Basilius sermone in diuities Auaros, inter alia de quibus eos reprehendit, sic ait: Esurientis est panis, quem tu retines: nudi est vestis, quā in arca custodis descalceati calcem, qui apud temarcebbit: egenitus argentum, quod tu terra infissum possides. Hinc S.Thomas & Caietanus art. 4. inferunt: illum grauiter peccare, qui plura quam ei ad decentiam & conseruationem status sui necessaria sunt possidens, ea per inordinatam affectionem retinet, & pauperibus, in graui necessitate existentibus, inde non subuenit.

Avaritia est peccatum Capitale, quia ab
d.d. 7 ea.

ca septem alia vitia nascuntur: quæ S. Gregorius lib. 31. Moral. cap. 31. & S. Thomas art. 7. quæst. 118. vocant Avaritiae filias: quia omnes ad matris suæ finem respiciunt: videlicet ad cumulandas, aut retinendas plures quam necesse sit duitias.

Prima Avaritiae filia est. **Cordis duritia**, quæ pro conseruandis opibus, egenis non compatitur, & est contraria misericordia.

2.est. **Inquietudo mentis**, quæ proficiuntur à timore acquisita perdendi, aut nimio desiderio eadem augendi. Avarus enim teste Eceles. cap. 5. nunquam dicit: sufficit.

3.est. **Violentia**, quando eodem fine aliquum opes per vim rapiuntur.

4.est. **Fallacia**, quando verbis ad decipendum compositis, diuinitæ congregantur.

5.est. **Iuramentum falsum**: quando Avarus propter lucrum falso iurat.

6.est. **Fraus**, quando Avarus luctigatio, alios dolosè circumuenit.

7.est. **Proditio**, vti fecit Iudas, qui Christū propter Avaritiam prodidit, & triginta denarijs vendidit.

In his Avaritiae filiabus, tribus modis peccatur mortaliter. 1. Qui commodè potest, & non subuenit pauper. in extrema aut certè magna necessitate constituto: proximo

VITIIS CAPITAL.

septim si credit, alios ei opem minimè laturos.

2. Qui propter immoderatam ad diuitias affectionem, legem aliquam ad mortale peccatum obligantem transgreditur.
3. Qui propter eādem inordinatam cupiditatem, notabiliter scandalizat, aut detimento afficit proximum suum, siue in corpore, siue in anima.

Meditatio ad detestandam Auaritiam.

CONSIDER A Auaritiam facere, quod homo, Deo creatori suo tergium obuerat, totumque se tradat cumulandis diuitijs & in illis omnes suas spes, opesque constituat.

2. EXPENDE tecum iniuriam & dampnum quod Auaritia infert animæ: quam propter terrena & fugacia bona, facit perdere celestia & sempiterna bona, quorum causa condita est.

3. REVOLVE tecum, nihil esse in hac vita, quod tantoperè inquietat cor hominis, quantum Auaritia: quæ vel immoderata cum desiderio acquirendi, vel formidine acquisita perdendi, crudelis Tyrannus in star, in foelicis auari animum torquet & discriuat.

* 4. COMIT

4. C O N S I D E R A , Auarum nemini
vtilem esse, nisi quando ex hac vita migrat:
quia dum viuit non aliter atque sus, vt se
impleat tantummodo attentus est: ideoque
à multis mors ipsius non modò desidera
tur, sed etiam nonnunquam procuratur.

DOCVMEN'TVM.

Fili, Auaritia est hamus Diaboli conte-
ctus auro, quo homines cupidos inescat
& capit, illosq; miserabiles diuitiarum
seruos constituit. Eam S. Paulus idolorum
seruitutem vocat: quia Auarus diuitijs
seruit, & in illis spem suam collocat, non
secus atque Idololatra, Idolis suis famula-
tur, atque in illis fiduciam suam constitu-
it: sed uterque fallitur.

DISSVASIO AVA-
ritiæ.

Frater, cur tam audiē opibus terrenis:
plus quam necessè est congerendis in-
hias? Num putas te illis in hac vita, & po-
stea coelestibus etiam in altera vita bonis
fruiturum? Deciperis si ita existimas: quia
Auaritia non permitter te his opibus, quas
tanto cum studio ac labore acquisiuisti,
gaudere: neque Deus v's diuitias cælestes.
Auaris,

Auaris vnquam. impartietur : sed illis qui voluntariam paupertatem amplexati fuere: qui affectione sua à fallacibus huius vitiæ bonis auersa, totam spem suam in cœlestibus bonis collocarunt: Auaris autem tanquam rebus terrenis addictis, in inferno cruciatus & tormenta tribuentur, quādoquidem propter cupiditatem terram cælo antetulerunt. Nonne melius est frater mi, quod Christus verbo & exemplo docuitagere, id est, thesaurizare nobis thesauros in Cœlo, non in terra? quia in terra bona acquisita, hominem etiam inuitum aliquando deserant, in Cœlo vero nunquam. Aduerte præterea , Auaritiam plurimum hominem fatigare, & acquirendi cupiditatem die ac nocte animum eius dilacerare ac cruciare: quoque opum cumulus amplius augetur, eo sitim & tormentum magis accrescere. Itaque frater mi, conuerte te ad bonum illud quod solum potest satiare ac voluptate replere cor tuum: ad illud nēpe, quod D E V s tibi præparauit in Cœlo. Coxera omnia huius vitæ bona sunt apparentia, selle permixta, & modicum durantia. Desiderantur non habita: habita vero, fastidium & nauseam pariunt. Non sic bona cœlestia: quæ sine fastidio satiant, & in nobis omnem aliam sitim plenè restinguendo,

90 MEDITAT. DE VII.

guendo , animas nostras vera voluptate perfundunt.

Remedia contra Auariam.

1. **F**requentes eleemosynas pauperibus largiri, atque paulatim , ab immodi-
ca terrenarum opum affectione , sese auo-
care.

2. Non conuersari cum hominibus auar-
aris.

3. Pluris facere, dare quam accipere, &
non minus in accipiendo , quam in emen-
dicando res vitæ necessarias, erubescere.

DOCTRINA DE LVX V-
RIA.

QVia Venereorum actuum usus , à
Deo ad generationem , atque ha-
mani generis conseruationem ordinatus
est: idcirco si debito modo atque ordine fi-
at, non est peccatum. Sicuti nec ciborum
usus, qui ad particularium hominum con-
seruationem ac sustentationem directus
est, si debito cum modo ac ratione usurpe-
tur, peccatum est. Sed quando dictus usus
nobis prohibitus est, aut quis in eo debitā
modus

VITIIS CAPITAL. 91

modum & ordinem non seruat, tum incidit peccatum Luxuriæ. Ita docet S. August. de bono Coniug. cap. 16. & S. Thom. 2. 2. quæst. 152. art. 2. Luxuria igitur est vitium, inclinans hominem ad actus lasciuos inordinatè exercendos: & quia finis eius est delectatio sensuum, per quam ad alia multa peccata perpetranda quis inducitur, hinc sit, quod Luxuria vitium capitale nominetur, teste S. Gregor. lib. 31. Moral. cap. 31. Cassianus lib. de institutione Monach. & S. Thomas loco cit. quæst. 35. artic. 1. ad 4. aiunt: vitium hoc facilius fugiendo, & occasiones remouendo, quam resistendo superari. Quamobrem fallitur, qui cuperet actum aliquem Luxuriæ experiri, ac deinde ab ea omnino se abstinere: quia Luxuria quolibet lasciuo actu, mirabiliter crescit: atque hinc est, quod facilitiori negotio castitas virginea, quam viduatis custodiatur.

Quoad peccata mortalia huius vitij discernenda, sciendum est primò, posse homini cogitationem aliquam immundam sine peccato incidere, quando eam non accersuit, nec illi occasionem præbuit. Secundo, quādmodū repellere aut resistere

resistere delectationi quæ ab hac cogitatione nascitur, quamuis ea nostro vitio siue culpa accersita fuerit, virtutis est, ita eidem consentire, peccatum est. Consensum hic appellamus, quando quis aduertit, delectationem quæ se ipsi offert, esse in honestam, & nihilominus eam non reiicit; imo, quod maioris sceleris est, etiam in ea sibi complacet Tertio; Prædicta delectatio tum est peccatum mortale, quando his constat conditionibus. 1. si est de peccato ex se mortali. 2. Si quis integrè animaduertit se in re mala & noxia delectari. 3. Si tum ei non relit, nec quando potest, à se reiicit, sed potius eam animo deliberato acceptat. His conditionibus si prædicta delectatio constet, est peccatum mortale, quamuis ei qui in hac cogitatione delectatur, non sit animus peccatum illud opere perpetrandi: si autem harum conditionum aliqua desit, est tantummodo peccatum veniale: de quo si quis pleniorē cupit habere notitiam, legat Nauarr. in Summa cap. 21. num. 9. & cap. 16. num. 2. & alios ab eo citatos.

Huius vitij non modo actus extrinseci lascivi prohibentur, sed etiam eorundem desiderium. Imo deliberatus consensus oblectandi se, aspectu siue tactu, idque cum scandalo, periculo, aut malo animo, est peccatum;

peccatum mortale. Præterea qui pergit ad locum aliquem, ut personas intueatur, aut literas eis siue munuscula porrigit, peruersa cum intentione concupiscendi eas, peccat mortaliter. 2. Qui data opera se conspi ciendū præber personæ, à qua carnaliter se diliigi nouit, facitq; vt ab illa inordinatè desideretur, peccat mortaliter. 3. similiter peccat puella, quæ se ornat vt ab alijs conspicatur, & ab ijs in honeste ametur. 4. Qui loquendo, cantando, legendo, vel auscultando verba lasciuia, deliberato animo in illis delectatur, cum graui scando proximi, aut probabili periculo mortalis peccati, peccat mortaliter, quamvis peccatum illud opere perpetrare non cogitaret. 5. Qui nubibus, verbis, aut cantiunculis, aliquem ad consentiendum actui in honesto mortali, prouocare conatur, peccat mortaliter.

Filiæ Luxuriæ secundum S. Gregorium & S. Thomam in locis citatis, octo sunt. *Prima* est Cœcitas mentis, quia in delectatione carnalis etiam superior, pars animæ turbatur, & excœcatur. *Secunda* est Præcipitatio, quia eadem delectatio tollit consiliū. *Tertia* est Inconsideratio, quia etiam iudicio hominem despoliat. *Quarta* est Inconstantia, quia delectatio sensualis priuat hominem fortitudine exequadi illud, quod ratio

94 M E D I T A T . D E VII.

ratio dictat esse faciendum. **Quinta** est Amor sui ipsius, quia propter se ipsum luxuriosus querit hanc delectationem. **Sexta** est. Odium contra D E V M , quia lasciuo displicet, quod D E V S carnis voluptates prohibeat. **Septima** est, Affectione inordinata ad presentem vitam in qua luxuriosus semper vivere cuperet, ut voluntatibus suis carnalibus indulgere posset. **Octava** est, horror futuræ vitae.

Circa has filias peccat mortaliter, qui propter sensuales voluptates deliberatè semper in mundo cupit vivere, ac propterea nihil pendit futuram vitam. 2. Qui propter mentis cœcitatatem vel inconstitiam, vel amorem sui ipsius, ea facere negligit, ad quæ sub poena peccati mortalis, obligatus est.

Meditatio contra Luxuriam.

1. **C O N S I D E R A** iniuriam qua impudicè vivens afficit D E V M , quia a &ibis in honestis , fugat illum ab anima sua, quæ est D E I templum , quam ipse ad bonum & salutem nostram semper incolede desiderat.

2. **C O N S I D E R A**, quomodo D e m o per

VITIIS CAPITALI. 99

per hoc vitium , hominem ita à se
quasi alienatum retinet , vt non posset se
ad bonam aliquam actionem conuertere:
imo etiam in Ecclesia , atque diebus festis
sæpè facit , vt D E V M grauius offendat.

3. EXPENDE tecum, quomodo vi-
tium impudicitiae animam subuertit, fa-
cultates consumit, detrimentum adfert sa-
nitati, vitam abbreviat, & sæpen numero tar-
lum inimicitarum causa est, vt aliquando
etiam integræ familiæ, ciuitates & regna
illius causa euertantur.

4. REVOLVE tecum, Luxuriam mé-
tem hominis ita excæcare, vt permoueat
illum ad perpetrandas in præsentia Dei &
Angeli custodis sui tales turpitudines, quas
in serui sui conspectu patrare erubesceret.

DOCUMENTVM.

Fili, Diabolus est veteranus venator: vis-
cus quo vtitur, est voluptas carnalis,
qua ita nouit inuoluere quæcunq; contige-
rit, vt eū ad voladū in sublime faciat pror-
sus inhabilem. Aliquos capit oculis, alios
auribus, non nullos tactu, non paucos cogita-
tionibus, permiscendo hec omnia visco suo:
quare

Quare qui illaqueari & capi non vult, longè ab hoc visco recedat.

DISSVASIO LVXV-
riæ.

Recordare mihi frater, Deus tu luxuriae vitium vesceretur, eluione generale, totum genus humanum, præter solam Noë progeniem delevisse. Ac deinde propter idem peccatum, sulphur & igne de Cœlo pluisse, quibus vniuersam Sodomitarum regionem incendio terribili absumpsit. Hinc duo potes coniucere: Primo, quantoperè turpissimum hoc peccatum Deus vs detestetur, in quod tam severa animaduersione vindicauit. Alterum est, si in hac vita in qua benignissimus Deus vs misericordia sua in omnes vtitur, tam severè in homines carnales animaduertit, quibus eos in Inferno supplicijs excruciat, qui proprius iustitiae locus est? Quamobrem mihi frater, moneo, ut omnes carnis ac sensuum voluptates fugias, antequam illæ à te fugiant, animamque tuam lethali toxicō infectam relinquant. Hoc autem pro certo & explorato habe, non esse tantam delectationem præsentem, quanta est futura amaritudo veneni huius, quam in morte primum sentire incipiet anima tua: quanta præ-

ta præterea est poena, quam in inferno
subibit, quæ tam acerba erit, ut sola illius
præcogitatio, hominē tremore conutiat.
Considera frater, magnam esse amentiam,
propter breuem voluptatem in æternæ
damnationis discrimen se coniucere.

Remedia contra Luxuriam.

1. est, Otium fugere.
2. Non conuersari cum hominibus vitiis huic addictis.
3. Cauere à nimio vino & cibis calidis.
4. Castigare carnem, aspera aliqua poenitentia.
5. Fugere minimas etiam occasionses.

DOCTRINA DE

Ira.

Ira est appetitus vindictæ. Est autem duplex bona & mala. Ira bona est: quando vltio conueniens sumitur de improbis ad corrigenda vitia, & conseruandam iustitiam: hæc ira si ratione dirigatur, potest esse meritoria: imo non irasci, quando is, ad quem pertinet in homines sceleratos animaduertere, iustum habet causam, peccatum est, vti docet S. Thomas 2. 2. quæst. 138. ex S. Chrysost. homil. 11. in Matt. vbi

ee

sic

sic ait. *Iusta ira est mater disciplinæ*, ideoque non
solū non peccant, qui cum causa irascuntur, sed etia
nisi irati fuerint peccant: quia passentia irrationalis
vitia seminat, negligentiam nutrit, & non se-
lum malos, sed etiam bonos inuitat ad ma-
lum.

Ira mala est, quando est immoderata:
vel quando pœna iustum excedit rationem;
id est, si vel insontem punit, vel gravius
quam peccatum meretur, in aliquem ani-
maduertit, vel non ob debitum finē, vel nō
secundum rationis ordinem id agit. In his
ira est peccatum, quia rationem præuenit &
perturbat. Hinc S. Gregor. lib. 5. Mor. ca. 3.
dicit, laborandum esse ne ira dominetur
rationi, nec eam præcedat, sed tanquam an-
cilla sequatur rationem: quæ si ab ira adiu-
uetur, multò efficacior ad corrigenda vitia
redditur, S. Greg. l. 31. Mor. c. 31. & S. Thom.
loco citato, Irā inter vitia Capitalia nume-
rant, quoniam ab ea alia multa vitia nascu-
tur: iratus enim vt iræ suæ finem, id est in-
ordinatam vindictam consequatur, in alia
peccata labitur.

Præcipuae iræ filiæ sunt sex. 1. est. Indig-
natio, quia iratus, reputans iniuriam sibi
fieri, indignatur. 2. est. Tumor mentis:
quia iratus dum diuersas vindictæ vias
exquirit, talibus cogitationibus, animum
suum

suum replet. 3. est. Clamor , quando ira fo-
rinsecus per verba ostenditur. 4 . est Blas-
phemia , quando iratus in verba contra
D E V M iniuriosa prorumpit. 5. est Inuria
sive contumelia , quando maledicta sive
verba contumeliosa in proximum iacit. 6.
est Rixa, quando iratus factis de alio se vi-
cisci querit. Alij adjiciunt Maledictionem,
Seditionem, & Bellum , sed haec ad sex iam
dictas filias reduci possunt.

Circa Iram & filias eius varijs modis
peccatur: 1. Deliberato animo vltionem no-
tabilem meditari in aliquem, qui eam non
mercatur, vel plusquam mereatur, vel sine
auctoritate, vel non seruato iustitiae ordi-
ne vel malo fine , est peccatum mortale. 2.
Qui propter immoderatam indignationē
id facere negligit, ad quod sub mortali pec-
cato obligatur, peccat mortaliter. 3. Qui
blasphemat vel iniuria afficit D E V M aut
Sanctos eius, idque animo deliberato , in-
telligens ea quae iniuriosis huiuscemodi
verbis significantur, aut per hoc alios scan-
dalizat, peccat mortaliter , quamuis ex ira
subitanea id ficeret. 4. Maledicere alicui
rei, quatenus est creatura D E I , est peccatum
mortale , perinde ac si quis malediceret
D E O ; ideoque Dæmoni quoad naturam
suam, cuius respectu est creatura D E I , ma-
ledicere,

ledicere, est peccatum mortale: non autem quando maledicta in eum congeruntur, quoad culpam suam, & quatenus ad malum instigator est.⁵ Animo deliberato sibi aut proximo malum aliquod imprecari, cum voluntate, ut hoc malum, ad purum sui aut proximi damnum eueniat, est peccatum mortale; quod tanto grauius est, quanto persona cui malum quis imprecatur, maiori in veneratione atque existimatione habenda fuerat. Ut Pater, mater Superiores &c: Aliud est, quando malum aliquod temporale ad finem bonum spiritualem alii quis cupit: sic enim verbi gratia, desiderare infirmitatem aut aliam tribulationem homini seclerato, ut conuertatur, vel ad alium bonum finem, non est peccatum.⁶ Diabolo deuouere rem aliquam, vel eidem rei maledicere, non quidem quatenus est creatura D E I, sed quatenus ad proximum pertinet, idem est, ac si malediceretur proximo. Quamuis sentiendum sit, maledictiones illas si ore tantum, non ex corde proferantur, esse duntaxat peccatum veniale.⁷ Per rixam, seditionem, opprobrium, vel contumeliam, notabile damnum irrogare proximo, in vita, fama, honore, vel substancia; aut cum notabili aliotum scandalo, est peccatum mortale.

*Meditatio ad superandum Ira
vitium.*

1. C O N S I D E R A Iram non modò nō facere vt ad diuinam opem implorandam exemplo confugas , sed etiam Dei & propriæ conscientiæ memoriam tollere.

2. E X P E N D E tecum , detrimenta, quibus ira animam afficit : quia priuando illam iudicio , omnibus eam periculis & sceleribus exponit : ideoque necesse est illam veluti cæcam , sæpè labi & offendere.

3. R E V O L V E , quanta incommoda corpori adferat Ira: quia humores turbando, complexionem vitiat; indeque sit , vt iracundi ferè sint parum sani, & breui tempore vriuant.

4. C O N S I D E R A Iram quia hominē interna & externa pace , quæ est omnium bonorum quæ in hoc mundo desiderare potest excellentissimum , spoliat, efficere, vt iracundi vita sit infelicitissima , dum in continuis inimicijs & molestijs vitam traducit.

5. E X P E N D E tecum, iram hominis mentem turbare atque de statu suo ita deridere , vt nec spirituales nec temporales

ccc 3 actiones

actiones recte tractare possit: imo resolutio-
nes sive decreta in Iræ turbatione facta,
vt plurimum mala sunt.

D O C V M E N T V M .

Quemadmodum latro impensè des-
derat , in domo diuitis incendium
excitari, vt ingredi & rapere posset: ita
fili mi, Dæmon omnem conatum adhibet,
vt in corde tuo ira ignis accendatur, vt a-
nimam tuam ingredi, eamq; bonis omni-
bus spoliare ac subuertere valeat.

DISSVASIO IRAE.

Dic mihi Charissime frater , nonne
turpe atque ignominiosum est, quod homo tam excellentis naturæ, qui omni-
bus mundi creaturis antelatus, ac præposi-
tus est, à vilissima ancilla se superari, & ve-
luti mentis inops ad ea quæ homine haud
quaquam digna sunt, se trahi patiatur? V-
erique sanè. Sed quid aliud est Ira, quam ab-
iectissima ancilla tua , à qua cum vinceris,
quid sunt actiones tuæ nisi stultitiae? Quid
sunt gestus tui cùm ira ferues , nisi gestus
rabidæ ac furiosæ bestiæ? Qualis est vultus
tuus ira succensus, nisi vultus venenati (ser-
pentis?)

pentis? Non hæc decent hominem mente ac ratione præditum, multò minus Christianum, qui Domini & Magistri sui exemplo, humilis & mansuetus esse deberet. Te igitur Charissime frater hortor ac moneo, ut Dominus ac moderator sis passionum tuarum specialiter iræ, quæ non commovetur, n si quantum ratio vult & permittit: sic autem iram vincendo, in terra honoré, & in Cœlo gloriam consequeris. Contra verò si ira te superauerit, è Cœlo veluti indignus expelleris, & hominibus non aliter ac ferox & truculenta bestia inuisus eris: eademque erit tibi carnifex, & gladius, quemadmodum rectè notauit S. Iob quando ait: *Virum stolidum in te fecit racundia.* Quā obrem mi frater, si veri Christiani vitam vivere cupis, oportet, iræ venenum à te ejicias.

Remedia contra Iram.

1. Atutino tempore secum statuere, omnia contraria quæ illo die sibi acciderint, aequo animo tolerare.
2. Iram in principijs extinguere, nec permittere ut incrementum sumat.
3. Quando aliquid voluntati tuæ contrarium audis, cogitare secum quomodo in eo se Christus gesserit.

cc 4

4. Ad

4. Ad iram aliorum mitigandam proder t, vel modestè respondere , vel tacere, vel ab irato discedere.

DOCTRINA DE GV-
la.

Gula est vitium inclinans ad inordinatum cibi ac potus, propter solam voluptatem, sumptionem. Dicitur, *vitium*, quia Gula facit hominem transgredi ordinem rationis. Dicitur, *propter voluptatem*, sive delectationem : quia gula non tam est circa cibos , quam circa delectationem inordinatam in cibo ac potu.

Sic docet S. August. de vera relig. cap. 53. quem sequitur S. Thom. 2.2. quæst. 14. S. Chrysostomus in homilia 13. supra Mat. dicit: vitium gulæ sive intemperantiam ventris, Adamum de Paradi soecisse, diluuium sub Noë commeruisse, & fulmina in Sodomitas deduxisse. S. Thomas id verū esse ait, quatenus Gula est occasio siue causa perpetrandi alia grauissima Luxuria peccata, & virtutes extinguendi. Idecirco S. Gregorius lib. 30. Moral. cap. 26. scribit quando vitium gulæ homini dominatur, tum illum omnia quæ fortiter gessit perdere, & dum ventris intemperantiam non restringit, omnium virtutum iacturā facere.

Quinque

Quinque modis solet nos gula tentare secundum S. Greg. lib. 30. Moral. cap. 27. quem sequitur S. Thomas art. 4. vbi hos modos, gulæ species appellat, & continetur hoc versu.

Præpoperè, laute, nimis, ardenter, studiosè.

Primo tētat nos, vt consuetudine violata, comedendi tempus sine necessitate præueniamus. 2. Facit vt cibos exquisitos ac lautiores desideremus. 3. Facit vt quæ sumenda sunt, præparari accuratiū appetamus. 4. Facit vt in ipsa quantitate sumendi mensuram refectionis excedamus. 5. Tentat nos in modo manducandi, facitque vt nimis audiē cibum sumamus, nosque ingurgitemus.

Quandoquidem à Gula multa alia vitia oriuntur, & gulosi propter consequendam delectationem, quæ est in cibo & potu, multis modis peccant, idcirco S. Gregorius lib. 31. Moral. c. 31. & S. Thomas loco citato numerant eam inter septem vitia Capitalia.

Filiae Gulæ secundum hos S. Doctores in locis citatis quinq; sunt. Prima est hebetudo sensus circa intelligentiam: acies enim ingenij plurimum hebetatur ex immoderatione cibi & potus, propter fumositates ciborum, perturbantes caput & hominem

cc 5 ad

106 MEDITAT. DE VII.
ad speculationem reddit inhabilem. Secunda est: Inepta lætitia , quia ratione propter sumositas capitum impedita, passiones inordinatae in lætitia rationis limites facile excedunt. Tertia est. Multiloquium , quod ut plurimum à ventre pleno nascitur. Hinc s. Greg in Pastorali 3. part. cap. 20. ait : Nisi gula deditos immoderata loquacitas raperet, dux ille qui epulatus quotidie splendide dicitur, in lingua graeca non arderet. Quarta est Scurrilitas siue iocularitas quadam visum mouens, & proueniens ex defectu rationis, per nimietatem cibi & potus obfuscatae , quæ sicut non potest cohibere verba , ita non potest cohibere exteriore gestus. Quinta est Immunditia siue in honestas : quia nihil est, quod tantoper luxuriam nutriat, quam Gula: hinc Ezechiël. cap. 16. saturatatem, ruinæ Sodomorum causam extitisse ait.

Circa Gulam multis modis peccatur. Primo illi quorum Deus venter est, uti s. Paulus ad Philipp. Cap 3. ait: qui videlicet ultimum finem suum in cibo & potu constituant, vel à delectatione gulæ illecti mandata Dei & Ecclesiæ negligunt , peccant mortaliter. 2. Qui scienter ac data opera se aut alium inebriat, peccat mortaliter. 3. Qui existens in loco aliquo, ubi prohibitus foret eis carnium, & eas manducaret, peccat mortaliter,

mortaliter , etiam si in itinere constitutus esset, & in patria eo tempore carnibus vesci liceret. Alia peccata gulæ ut plurimum peccata sunt venialia , vt sunt; præuenire horam comedendi sine causa , cibos nimis delicatos & summa cum diligentia præparatos appetere, plus quam necessarium est, aut quando necessitas non exigit , aut cum documento sanitatis commedere.

Similiter filiæ Gulæ communiter sunt peccata venialia, vti sunt : Inepta lætitia, Multiloquium , Scurrilitas.&c. Quamvis fieri posset propter alios respectus , tum actuum Gulæ, tum filiarum eius, vt essent peccata mortalia, vt exempli causa : Si in ipsis respiciatur ad finem ex se mortalem. Si adesset graue scandalum, vel damnum proximi , vel notabilis irreuerentia D S 1; aut notabile damnum sanitati ante præsum inde oriretur: vel nimis magnæ in cibos expensæ fierent , propter quas familia aut alij postea notabile nocumentum sustinerent, esset peccatum mortale ; quæ est communis omnium Theologorum sententia.

*Meditatio ad superandum Gula
vitium*

1. **C**ONSIDER A, Iniuriam quam gula facit Deo, qui hominibus de rebus ad vietum necessariis idcirco prouideret, ut se ament sibi que seruant, sed illa male his rebus utendo, homines ab amore Dei retrahit, efficitque teste Apostolo ut yentes Deus illorum sit.

2. EXPEND E tecum, vitium hoc non modò tollere bona desideria, sed redendo corpus ad seruitum animæ inabile, facere, ut actiones gulosi potius sint bestiæ irrationalis, quam hominis ratione utentis.

3. REVOLVE quantum damnum gula corpori adferat, propter multas infirmitates quas secum adducit; quin & crapula causa est, quod multi subitanea morte morantur.

4. CONSIDER A, eum qui cibo ac potui nimium addic tus est, præterquam, quod Deo displaceat, à prudentibus etiam in parua existimatione habeti, ab alijs vero irritandi.

5. PERPENDE nihil carnem hostem nostrum ita insolentem reddere sicut Gamaliel, quæ dæmonis instrumentum est, ad homines

homines in grauissima peccata inducen-
dos.

DOCUMENTVM.

Fili, Gula est ostium domus anima: do-
mina illius est voluntas: dominus iudi-
cium: inimici eius sunt immoderatus cibus
& potus: Si ergo rationem constituis domus
huius ostiariam, omnia recte succedent:
sed si ostiariam constitueris sensualitatem,
qua Diaboli amica est, tot illa hostes in-
troducet, ut dominus domus ab eis vincia-
tur, domina vero tanquam à se alienata,
transuersim abripiatur, & diabolus ex-
ultet.

DISSVASIO GVLAE.

Carissimi frater, quamuis crapula nō
esset verita, nec per eam communis
Dominus offenderetur, tantoper tamen
hominem offendit, ut hoc solum homini-
bus sufficiens esse deberet, ad eam à se ex-
terminandam, atque ad animalia relegan-
dam, ut in animantibus duntaxat quae ad
macellum enutriuntur, non in hominibus
ad videndum & fruendum Deo in cœle-
sti gloria conditis, reperiretur. Recordare

cc 7 mi

mi frater, hominem manducare & bibere
debere ut viuat, non autem viuere ut man-
ducet & bibat. Adhæc certò tibi persuade-
as, oris frenum tenere, multum ad virtutū
acquisitionem prodesse, & eū qui liberas ei
habenas relinquit, præterquam quod ven-
tris sui serum se constituit, ad certum
præcipitium ambulare. Quod autem ani-
mal ita molestum est, quemadmodum gu-
losi venter? Cætera enim animalia quāvis
fastidium aliquod adferat, propter cibum,
attamen satura non amplius sunt fastidio-
sa: at gulosi venter, antequam comedat,
importunus est & fastidiosus; plenus verò
& satur, grauis est ac molestus, ideoque
gulæ obedire non minus molestum est,
quām homine indignum. Quamobrem
mi frater, exhortor te, ut gulam edomes,
hoc enim est esse hominem: id vero ad Dei
gloriam facere, est esse bonum Christia-
num.

Remedia contra Gulam.

1. **N**on nunquam cibo aliquo, ex quo
maiorem voluptatem quis percipit
se priuare.

2. Ciborum varietatem, qui gulam in-
citare solent, tollere.

3. Mentem inter manducandum sancta
aliqua cogitatione occupare.

4. Non

VITIIS CAPITAL. 251

4. Non facilè credere gulæ , quæ sub specie sanitatis multa sensualitati suæ procurat.

DOCTRINA DE INVILIA.

Inuidia secundum Damasc.lib.2.de fide c.4 est tristitia de alienis bonis. Quod S. Thomas,2.2.quæst.36.art.1. declarans , dicit: obiectum tristiae esse malum proprium: Sed quia inuidus bonum alterius tanquam malum proprium apprehendit, quatenus nimirum suam gloriam , excellentiam vel utilitatem imminuit, idcirco inuidia dicitur tristitia de alieno bono. Est etiam actus inuidiae, gaudere de malo proximi, quatenus ex eo crescit utilitas vel gloria propria.

Arist.cap.19.lib.2. de Arte Rheto. duo potissimum genera hominum inuidiae vicio subiecta esse docet.1. Qui honorati & celebres esse cupiunt, quia cum magnæ famæ sint cupidissimi, pati non possunt se ab alijs superari, ideoque de laude & gloria aliorum, quibus illorum laus & gloria opprimitur, contristantur.2. Pusillamines, qui aliorum res magni aestimantes , semper ab alijs se vinci cogitant, ideoque de bonis illorum contristantur. Unde Iob cap.5. Parvulum, inquit, occidit inuidia: inde etiam fit , quod inuidia

inuidia' non regnet in illis , inter quos magna est inæqualitas , vt inter subditum & regem; sed in illis , qui parum inter se differunt, qui se inuicem superare potest.

Inuidia ex sua natura est graue peccatum, quia est contra charitatem, quæ postulat vt de bono proximi gaudemus & malo doleamus . Quamuis inficiari nequeam , si quis de alterius prosperitate doleret, quantum inde sibi vel alijs damnum aliquod metueret, id sine peccato fieri posse: Vnde S. Greg. lib. 22. Moral. cap. 11. Sæpè, ait, accidere vt sine charitatis iactura inimici ruina nos lætificet , & prosperitas illius sine inuidiæ culpa nos contristet: cum hæc proprie non sit inuidiæ sed timoris effectus.

Aliquando vsu venit, vt quis contristetur, non quod alij bona quedam obtinuerint, sed quod ea etiam se habere cupere; & hoc propriè zelus est; qui si est de rebus spiritualibus, laudem meretur, iuxta illud S. Pauli ad Cor. 1. cap. 4. Emulamini spiritu alio: si de rebus temporalibus , potest esse cum & sine peccato , secundum finem propter quem homo permouetur.

Accidit etiam sæpenumero, quod quis doleat de bono temporali alterius , quia malus est, quod reprehensione non caret; quia quod Deus facit , in bonam partem sumi

VITIIS CAPITAL. 17

sumi debet. Pessima omnium inuidia hæc est, quando quis contristatur de gratia diuina proximi, quæ numeratur inter peccata contra Spiritum sanctum. Quia qui de tali gratia contristatur, quodammodo inuidet spiritui sancto, qui glorificandus est in operibus suis. Secundum S. Gregorium & D. Thomam, Inuidia est vitium capitale, quia est mater quinque filiarum: quarum prima est, Odium: quia quemadmodum delectatio amoris, ita tristitia odij causa est, ideoque inuidus bonum illud cui inuidet, etiam odit: quia de illo tristatur. Secunda est Susurratio, quando inuidus alterius gloriæ in occulto imminuit. Tertia est. Detractio, quando gloriæ illius etiam palam detrahit. Quarta est. Exultatio in malis proximi, quando nimis inuidus alterius laudem & gloriæ se imminuisse putans, in eo sibi complacet. Quinta est. Afflictio in prosperis, quando gloriæ alterius se imminuere non potuisse cogitans, inde contristatur & affligitur.

Vt intelligatur quando inuidia sit peccatum mortale, quando veniale, notandum est, duobus modis quempiam contristari posse de bonis alienis. Primus est per viam naturæ, quando quis non aduertit, nec deliberatè consentit illi tristitiæ, ut exempli causa:

causa. Si quis hominem aliquem quod doctus, quod diues, quod multis donis &c. ornatus sit, laudari audiat, & sine alia cogitatione, sentiat simul in animo suo aliquam displicantiam, dico actum hunc non esse peccatum mortale nec veniale, quia non procedit ex deliberata voluntate: sed potius esse naturæ nostræ ad malum inclinatæ effectum: hos actus Theologi vocant primos motus, quos si quis statim ut illos aduerterit à se reiicit, actum producit virtutis. Alter modus est, quando quis plenè sibi præsens, deliberatè contristatur, quod aliis laudibus vel præmijs ornatur. Hæc tristitia si fuerit notabilis, est peccatum mortale; si exigua, peccatum veniale.

Quinque inuidiæ filiæ, ut plurimum sunt peccata venialia, aliquando mortalia: Si videlicet ingēs esset odium. Si susurratio aut detractio esset de re graui, quæ cederet in notabile damnum proximi, vel in iuriam Dei. Si quis contristatus de bonis aliorum, in Deum boni illius datorem inuechere-
tur.

M E D I

*Meditatio ad superandum Inuidia
vitium*

1. **C**ONSIDER A, Inuidiam occultā-
do vel imminuendo bonum proxī-
mi, spoliare D E V M gloria & laude sua,
quæ ipsi, tanquam illius boni datori, debe-
tur.

2. **R**E V O L V E tecum, Inuidiam in-
star febris ethicæ, affligere atque consume-
re Inuidum, tam in anima quam in corpo-
re. Hinc est quod S. Chrysostomus, vocat
illam ignem inextinguibilem, & Salomō
ossium putredinem.

3. **C**ONSIDER A Inuidum, dum tri-
stiam sentit ex bonis proximi, facile ab
amore illius alienari: qui autem nō diligit
proximum, teste S. Ioanne Apostolo, *magni
merit in morte.*

4. **E**X P E N D E tecū, Inuidiā priuare ho-
minem interna pace, quia, præterquā quod
in continuis est afflictionibus, dum quo-
modo nocere, aut præire proximum pos-
sit, cogitat, in magna etiam inquietudine
versatur.

5. **C**ONSIDER A Inuidiam inuido-
simul esse hostem, carnificem, & tormentum
acerbissimum quod, die nocteque in-
desinenter cruciatur.

DOCVMENTVM.

Fili, Inuidia patrem habet amorem proprium : mater illius est superbia, magistrovitur diabolo, studium illiusvnicum est nocere atque obscurare bonum proximi nomen : quando id assequi non valet, cor odit eum cui ineft, non aliter ac vermis lignum, & ærugo ferrum. Quid ergo boni possidere potes, si in anima tua belluam adeo pestiferam geris?

DISSVASIO INVIT-
diæ.

Frater, si alia peccata, quamvis aliquam secum adferant delectationem, aut temporale commodum, nihilominus morte ipsa studiosius vitari debent, ne D e s Pa-ter noster amantissimus offendatur: Quâto magis inuidia, quæ infernale peccatum est, deuitari debet: Quæ non secus atque alter infernus, sine consolatione contristat, & sine commiseratione cruciat? Quamobrem moneo te charissime frater, ut quam longissimè ab hac vipera tam immani & exitiali recedas, alioqui te admordebit, & mortu venenato ita inficiet, ut maximum in

in corpore & anima detrimentum accepturus sis.

Recordare mortem propter inuidiam Diaboli, ingressam fuisse in orbem terrarū. Memento inuidiam Cainum impulisse, ut fratrem suum Abelem sanctitatis & iustitiae laude insignem, interficeret. Iosephum etiam à fratribus suis per inuidiam venditum, & Christum eadem inuidia stimulante, à Iudæis iniuste accusatum fuisse. Quandoquidem ergo inuidia, excæcando hominem, inducit eum in tam horrenda peccata & periculosa præcipitia, æquum est, ut eam veluti præsentissimum toxicum ijs omnibus, quibus proximi charitas demandata est, execreris.

Remedia contra Inuidiam.

1. Non affici ad præsentis vitæ bona, sic enim quando ea in alijs conspereris, tristitia te non afficient.

2. Quando audis bonum aliquod de proximo referri, erige mentem ad D E V M huius boni auctorem, & illi gratias age.

3. Non magni æstimare temporalia hæc, sed ijs tanquam medijs, à D E O ad æternā felicitatem consequendam nobis collatis, yti.

DOC-

DOCTRINA DE ACE-
dia.

ACedia secundum Damascenum lib. 2. de fide, cap. 14. est tristitia premens, sive agrauans animam, ne boni aliquid operari possit. Glossa Ordinar. psalm. 106. dicit: Accediam esse tedium quoddam sive fastidium in bonis actionibus. Alij aiunt, esse quendam mentis torporem, qui hominem ad bona opera ordienda reddit negligenter. Alij hoc modo illam definiunt. Acedia est vitium inclinans hominem ad tristandum de bono spirituali diuino proximi. Dicitur vitium duabus de causis: tum quia quemadmodum delectatio in re mala est vitium: ita tristitia de re bona itidem est vitium & peccatum: tum quia mala esse potest, propter effectum aliquem malum: potest enim accidere, ut tristitia hominem tam vehementer opprimat, ut per eam à bonis operibus impediatur, ac propter hunc effectum, acedia sit mala. Exempli causa, si quis contristetur, quod Deus offendit, actum ex se bonum & sanctum facit: at si tristitia hæc crescat & premat illum, ut à bonis actionibus impediatur, malum hoc est. Vnde Apostolus 2. Cor.

VITIIS CAPITAL. 119

2. Cor. 2. non vult, pœnitentem absorberi à tristitia, multò minus acediosa tristitia, quæ hominem à bonis operibus maximè retardat.

S. Thomas, 2. 2. quæst. 35. artic. 3. ait: Acediam quandoque esse in sola sensualitate, quæ propter repugnantiam carnis ad spiritum, de rebus spiritualibus tristatur, & tunc est peccatum veniale.

Quandoque verò contingere usque ad rationem, & facere ut ratio consentiat, in fugam, & horrorem, & detestationem boni diuini, carne contra spiritum præualente, & tum est peccatum mortale. Sicque intelligendum est illud B. Pauli Apost. 2. Cor 7. quando ait: Tristitia sæculi mortem operatur.

S. Gregor. lib. 31. Moral. cap. 31. numerat Acediam inter vitia capitalia. Rationem adserit S. Thom. artic. 4. quia nimis ab ea alia quamplura vitia oriuntur: multi enim ut hanc tristitiam euitent, varia peccata committunt: alij eiusdem tristitiae pondere in alia peccata inducuntur, ut, ad nimias lamentationes, querulationes, ac aduersus Deum murmurations &c. ideoque rectè censetur esse vitium Capital.

Circa Acediam his modis peccatur.

I. Qui

1. Qui propter tristitiam siue tedium, diebus festis Missæ interesse, aut officium ad quod ex voto, aut alia obligatione teneret recitare, aut alia præcepta ad quæ sub pena peccati mortalis obligatus est, seruare neglegit, peccat mortaliter. 2. Qui propriæ Acediam, aut aliam negligentiam, non discit ea, quæ iuxta statum suum, sub mortali peccato scire obligatus est, peccat mortaliter.

Quod intelligendum est tam de rebus fidei, quam de illis quæ ad proprium cuiusque officium pertinent: ut ad Medicum, Confessarium, Magistrum, Aduocatum, Procuratorem, & similes, in quibus est periculum magni erroris vel detrimenti, aut graue scandalum proximi.

Filiae Acediæ secundum S. Gregor. loco citato, & alios, sunt sex. **Prima** est. Desperatio, quando quis propter tristitiam vel tedium non appetit, sed fugit finem suum, id est æternam beatitudinem. **Secunda** est. Pusillanimitas, quando quis bona spiritualia tanquam media nimis ardua & difficultia ad consequendam beatitudinem relinquit. **Tertia** est. Torpor, quando spiritualia, quæ nos constringant, deserimus, quamvis à nobis non difficultia, sed mediocria estimantur. **Quarta** est. Rancor: ubi notandum est, aliquos

VITIIS CAPITAL. 121

aliquos non modo illa fugere quæ tristitia
am & tedium ipsis adferunt, sed etiam illa
impugnare, indignando contra illos qui
spirituia sectantur, & à quibus ad similia
agenda monentur, & hic est rancor. Quin
est. Malitia, quando actiones spirituales
oppugnantur, reprehendendo illas & de-
testando. Sexta est. Euagatio circa res illici-
tas, quando nimis propter tristitiam
& tedium, ab operibus spiritualibus ad res
externas quæ delectant, transimus.

Filiæ Acedia ut plurimum sunt peccata
venialia, excepta desperatione, quæ, quan-
do est de salute nostra, quæ maximi mo-
mēti res est, ferè mortale peccatum est. Qua-
re qui deliberat desperat se posse eternā
felicitatem per Deum gratiam acquirere,
peccat mortaliter. Malitia etiam & rancor,
quia directè aduersantur rebus spirituali-
bus ad salutem animæ plurimum condu-
centibus, sunt grauia peccata. In cæteris
tribus filiabus mortaliter peccatur, quādo
per ea præceptum aliquod ad mortale pec-
catum obligans violatur, aut graue scanda-
lum proximo datur.

ff

M E D I

*Meditatio ad superandum Ace-
diævitum.*

1. C O N S I D E R A Acediosum, magnâ
D e o iniuriam irrogare, quia pro-
pter tædiū spiritualia omnia, quæ media ad
eternā beatitudinem acquirendam ap-
simia, & à D e o magno cù amore ac libe-
ralitate nobis donata sunt, parviperdit.

2. R E V O L V E tecum, quanto dapi nō
Acedia animam afficiat: quia spoliat eam
multis gratijs & donis coelstibus, quorum
propter fastidium iacturam patitur.

3. C O N S I D E R A indignum esse, quod
homo pro terrenis diuitijs & honori sumo
consequendo, nullis parcat laboribus, &
periculis: pro animæ verò bonis adipisci-
dis, tam frigidus & tepidus existat.

4. E X P E N D E tecum, ingentem illa
afflictionem quam sentiet acediosus, qui-
do finita hac peregrinatione, à bonis tem-
poralibus, pro quibus tantoperè desudauit
se deserit & spiritualibus fructibus, achoris
operibus, quæ propter acediam neglexit
se vacuum esse conspexerit.

5. C O N S I D E R A Acediosum in die
iudicij intolerabilem subiturum esse, cõfu-
sionē, quando videbit Dei filiū, tot labores
& tormenta pro se saluando pertulisse: te verū
proprio

propter acediam exiguum etiam laborem,
pro tantis bonis adipiscendis defugisse.

DOCUMENTVM.

Scias fili mihi, Diabolum sepiissime Acediam
quoniam ostendere, ut per eam nos ad despe-
rationem, in quam multis modis nos pra-
cipitare nuntiat, inducat: quare qui Ace-
dia, quae desperationis mater est, consen-
tire, verendum ei est, ne in mortis articulo,
etiam filia eius efficiatur.

DISSYASIO ACEDIAE.

Frater, Diabolus nunquam dicer, te a-
cediosum esse circa finem tuum; id est,
te contumaciam, propterea quod creatus sis,
ut es es eius regni caelorum, hoc enim es-
tē manifeste, veluti stultum te tractare.
Nec unquam dicet tibi, te esse acediosum
circa media, id est, te confractari de virtuti-
bus & operibus spiritualibus, quae sunt me-
dia ad consequandam fortitudinem: hoc en-
im esset, tractare te velut simplicem pu-
erum. Sed sollicitabit te nonnunquam, ut
affectionem tuam in rebus terrenis, & sen-
tientiam voluntatibus constituas, ut sic per

124 MEDITAT. DE VII. VITIIS

hanc semitam pergens, tantum recedas à fine tuo, propter quem D S v s te creauit, id est, à vita æterna: & à medijs quæ sunt virtutes: vt in altera vita cum irreparabili detimento tuo, id animaduersurus, & deploraturus sis. Quamobrem kortor aemono te charissime frater, vt totum amorem tuum in creatore tuo, & cœlesti patria colloces, quod erit tibi efficax medium ad perambulandam gaudentia ac læto animo bonorum operum semitam, quæ ad cœlestem Hierosolymam patriam tuam ducit, ubi D E v s te præstolatur, ut te coronet, ac perpetuo secum gaudere faciat.

Remedia contra Acediam.

1. **L**audare atque pluris facere bona spiritualia, quam temporalia; nec permettere, vt aliquis male de illis loquatur.
2. Quotidie spirituali aliquo exercitio incubere.
3. Quando in exercitijs & bonis operibus sentis fastidium, cogitare, Diabolam esse, qui te à pijs & sanctis hisce actionibus abstrahere nititur, quem perseverando superabis.

SECVN-